

# 卷一百三十六



書名 杜氏通典二百卷 嘉靖十八年西樵方獻夫刊本  
 撰者 唐 杜佑 撰, 明 王德益、吳鵬 同校  
 卷 卷一百三十六  
 內容分類 史 政書 歷代通制  
 索書號 貴重-17  
 編號 B3510400

杜氏通典卷第二十五

職官七

諸卿上 總論諸卿  
 少卿附

奉禮郎 主簿 博士 太祝 兩京郊社署

太樂署 鼓吹署 太醫署 太公廟等署

太卜 廩犧 汾祠 珍羞署

丞 醞 主簿 掌醞署 太官署 武器署 左右都候

丞 守宮署 主簿 武庫署 馬令

丞 諸陵署 主簿 崇玄署 諸牧監 典廩署

丞 典牧署 主簿 乘黃署 諸牧監

司直 丞 評事 監 獄丞

彩色首頁1

東洋文化研究所漢籍目錄 編號: B3510400  
 東洋文化研究所漢籍目錄所藏漢籍善本文影像資料庫 索書號: 貴重-17  
 漢籍善本文影像資料庫文本杜氏通典二百卷 嘉靖十八年西樵方獻夫刊本  
 版權所有: 東京大學 東洋文化研究所  
 使用上的注意事項

奠於席退復位使者曰某封若某位將歸幽宅制使  
其奠主人降階階間北面哭拜稽顙內外俱哭謁者  
引使者及從者降出復門外位初主人拜稽首訖司  
儀引主人退哭於東階下使者出司儀引主人出內  
門止哭拜送於大門外使者還主人杖哭而入

勅使致奠外祖父母喪后父母貴臣蕃國主喪奠並與諸王

禮同

杜氏通典卷第一百三十五終

杜氏通典卷第一百三十六

禮九十六凶三纂類三十一  
大唐開元禮三十一

中宮舉哀太祖太后外祖父母 皇后為父母

內命婦 宗戚

成服為父母 祖父母 外祖父母 祖父母 奔喪 祖父母

臨喪臨外祖父母 除服 除外祖父母

遣使弔弔外祖父母 諸王妃主

東宮舉哀為諸王妃主舉哀外祖父母舉哀并

舉哀 宗戚舉哀 宮臣舉哀

臨喪臨諸王妃主喪 外祖父母喪 宗戚喪 宮臣喪

使弔使弔諸王妃主喪 外祖父母喪 宗戚喪

宮貴臣喪  
上臺貴臣喪

致奠外祖父母喪奠 妃父母喪奠  
師傳保喪奠 官貴臣喪奠

### 中宮舉哀

太皇太后皇太后皇后為父母祖父母舉哀  
本司散下其禮所司隨職供辦舉哀前三刻尚寢於  
后別殿東壁下設薦為舉哀位西向為祖父母則北  
壁下南向前二刻內謁者監於別殿前幔下設六宮  
哭位重行北向西上其六宮並集於別閣外次司贊  
一人升立於殿上東楹之南掌贊二人立於階下俱  
西面前一刻尚儀版奏外辦至時引后出升殿侍衛  
如常內侍版奏計尚儀傳奏稱某官某以月日辰

薨后啼若哭父母啼祖六宮從哭盡哀后問故又哭

盡哀乃變素服六宮皆素服哭絕聲又盡哀司賓引

其六宮入各就班位司贊稱拜掌贊承傳凡司贊有

傳六宮在位者皆再拜司贊稱哭六宮在位者皆哭

十五舉聲司贊稱止六宮在位者皆止司贊稱拜六

宮在位者皆再拜司贊稱下司賓引六宮退尚儀跪

奏請哭止后止從臨者皆止后退舍別次六宮以下

侍衛如初於閣哭臨如常禮其日晡臨晡前二刻奏

嚴六宮赴集一刻奏辦至時引后就哭位餘各如常

尚儀跪奏請哭后哭六宮從臨者皆哭十五舉聲司

贊稱哭止六宮在位者皆止無復拜禮其他贊引如



初自後奔赴如別禮若有疾故未及奔喪則自後朝  
晡赴集奏引即位哭及於閣臨皆如初以至成服而  
後奔喪后爲父母之舉哀也其有在宮公主爲外祖  
父母小  
功亦服素服引升即位於戶內之東北面與后俱哭  
臨於六宮等退也贊止引退凡有曾祖高祖父母薨  
舉哀與爲祖父母同爲祖父母儀同其異者於別宮  
次其日晡後臨凡三朝臨而止  
爲諸王妃主與外祖父母同其本服大功者其日晡  
哭而止其本服小功下者一舉哀而止爲內命婦宗  
戚等並與爲諸王妃主同  
其九嬪以下一舉哀而止

### 成服

爲父母祖父母

后聞喪有奔喪之禮故  
成服篇在舉哀之後

三日成服本司散下其禮所司隨職供辦尚寢先於

后舉哀別殿東壁設素褥牀席爲后成服位西向爲  
祖父母則北壁下南向尚服先製后齊縗周之服又  
製六宮之服亦如之其日成服前三刻尚儀版奏請  
中巖其別殿上女侍臨者代哭妃初成服前二刻司  
贊於別殿前幔下整設六宮哭位如初又於殿上后  
位前設席爲奉慰位六宮並仍初服列於閣外次女  
侍者各以篋奉其縗服進授仍贊變服焉司贊一人  
升立於殿上東楹之南掌贊二人立於階下俱西面  
尚服以篋奉縗服升東階北面立成服前一刻尚儀  
版奏外辦至時后仍初服即位六宮以下侍衛如初  
尚儀跪奏請哭后哭從臨者皆哭十五舉聲尚儀跪

奏請哭止成服后止尚服以篋奉縗服進跪授興仍

贊變服焉於變服則權設系服已尚儀又跪奏請哭

后哭司賓引六宮入即班位立定司贊稱拜六宮在

位者皆再拜司贊稱哭六宮在位者皆哭十五舉聲

司贊稱止六宮在位者皆止司賓引六宮行首一人

升詣后前跪奉慰興司賓引降還本位司贊稱拜六

宮在位者皆再拜訖司賓引六宮退尚儀跪奏請哭

止后止從臨者皆止后退舍別殿六宮以下侍衛如

初於閣哭臨如初其日晡臨晡前一刻奏嚴六宮赴

集一刻奏辦引即位哭臨如初其有公主應從成服

者則製小功五月之服引即位哭如初與后俱成服

哭臨凡拜慰如六宮之儀於六宮退贊止引退自後

朝晡哭臨如初以至卒哭如別殿其為曾祖高祖

父母則與其六宮成齊縗三月之服如常禮為外祖

服與為祖父母同其異者與六宮俱成小功五月之

服其日內外應奉慰者赴集奏引即於下位次哭臨

撫慰及拜哭奉慰如常禮自後皆然外命婦及百官

五品以下並無服諸親等亦赴集奉慰如常自後亦

然其親王妃主以下

哭則舉哀之日奉慰

奔喪

后奔父母祖父母喪

本司散下其禮所司隨職供辦尚舍先設行宮便殿  
於主人大門內之右南向又於便殿之後及左右廂  
量設六宮以下陪從者便次又於喪寢前設障幔為

六宮以下拜哭次主人五屬之親於車駕未至應奉

慰者皆赴奉慰如常禮自後后依時哭臨如常禮

其父母祖父母喪則自後其未成服而奔則至成服日即

與主人俱成服其奔父母之喪則成服而還宮其有

別勅令還宮則隨旨期其未即還宮也則諸衛列鹵

簿仗衛及六宮以下應還者先還其六宮以下之留

者與后依時哭臨及成服如后之禮於后還宮日之

期諸應奉迎之官及仗衛鹵簿等並赴主人第奉迎

如式於還宮日車從未發前三刻尚儀版奏請中嚴

諸衛整列仗衛鹵簿於還途如來儀至時尚儀版奏

外辦后與拜訖六宮夾引后降出常侍從者夾引左

右如初主人拜送如常禮后出內門奏哭止升車從

臨者皆止三面周以行幃六宮以下各乘其車序從

如初至閣外尚儀跪奏請降入后降車升輿入內侍

以下陪從至閣如初內侍版奏解嚴諸衛列鹵簿者

各還其所自後赴葬及練祥則出入如初禮皇太后

皇后於父母若祖父母之喪已葬已還而不赴葬則

於啓日之朝與六宮以下服練服奏引各即上下位

次哭臨拜慰如初若父在若祖父在為母若祖母之

喪十一月而小祥則與六宮以下於位次行變除之

禮易以練總除腰經哭臨受慰如常禮其稟旨行公

臨喪

后臨外祖父母喪

並與奔祖父母喪禮同其異者乘犢車其仗衛羽儀之屬則如平常而立於喪寢中間之西北壁下南面即位乃哭其主人內外五屬之親並哭於前堂婦人哭於後庭應升者待令乃升皇太后皇后每出臨者類嚴鼓並須准所臨遠近及鹵簿備略稟旨在於當時

臨內命婦喪

后臨內命婦喪本司散下其禮所司隨職供辦降臨前一刻尚儀啟奏請中殿尚寢先於命婦以下寢中

間北廂設素褥牀席爲后哭位南向小輿進於內庭

降臨前一刻尚儀啟奏外辦后服素服升輿出常侍從者侍衛如常式至內命婦以下喪寢降輿即位哭侍衛如常式於后之將至也女侍者啓引亡者所生

皇子降東階之西南面再拜則戒褻又女侍者啓引

亡者所生皇女出北戶降寢北南面再拜引並升復

位哭如初尚儀跪奏請哭后哭從臨者皆哭十五舉

聲尚儀跪奏請哭止撫慰皇子等后止女侍者引皇

子就后前跪哭后撫慰皇子與再拜仍立哭又引皇

女進撫慰如撫慰皇子之禮尚儀跪奏請還后升輿

引降還侍衛如初於后之降也侍者啓引皇子降拜

引升復位哭女侍者啓引皇女降拜引升復位哭並如初

### 除服

#### 后除父母祖父母喪服

本司散下其禮所司隨職供辦尚服先製后及六宮以下素服內謁者監先於宮別殿閣外整設六宮以下便次如初又於別殿前整設障幔爲六宮以下拜哭次如初以十二月而除服於除服前之夕后晡臨已有司除其故位次而設新褥牀席焉其日平明後而除服於除服前三刻尚儀版奏請中嚴六宮以下各司啓嚴女侍臨者升列於別殿上哭臨如初除服前二刻司

贊於別殿前幔下整設六宮以下位次如初又於堂上后位前設席爲跪奉慰位如初六宮以下仍練服集列於閣外便次女侍者以篋奉素服進授仍贊變服焉司贊一人升立於堂上東楹之南掌贊二人立於堂下並西面尚服以篋奉素服升東間北面立前一刻尚儀版奏外辦后仍服練服出升即位次侍衛如初后哭從臨者皆哭十五舉聲尚儀跪奏請哭止從禮制除服后止尚服以篋奉素服進跪授興仍贊變服焉於變服去之其侍臨者亦從變除已尚儀又跪奏請哭后哭司賓引六宮以下入即位司贊稱拜掌贊唱可拜凡司贊有詞六宮以下在位者皆拜司



贊稱哭六宮以下在位者皆哭十五舉聲司贊稱止  
六宮以下在位者皆止司賓引六宮行首一人升進  
后前席位跪奉慰興司賓引降還本位司贊稱拜六  
宮以下皆再拜司賓引六宮以下出各還宮寢如常  
尚儀跪奏諸哭止還后哭止從臨者皆止后降還內  
寢侍衛如初除外祖父母服與祖父母同  
異公除之禮則五日而除

遣使弔

弔外祖父母喪

本司散下其禮所司隨職供辦內給事二人爲使者  
守宮先於主人第大門之外右設使者次南向其日  
使至掌次者延入次內外練服司儀引主人以下俱

立哭於東階下婦人立哭於殯所如常儀使者素服  
出次內典引引使者立大門外之西東面內給使二  
人以案奉令書立於使者之南差退俱東面司儀入  
告主人去杖免經司儀引出門止哭迎於大門外見  
賓先入立於門右北面內典引引使者以下入內外  
止哭使者入門而左立於階間南面持案者立於使  
者西南東面司儀引主人進當使者前北面內給使  
以案進詣使者前使者取弔書持案者退復位使者  
稱令弔主人哭拜稽顙內外皆哭司儀引主人進受  
弔書退立於東階下西面哭內典引引使者以下出  
復門外位主人以弔書授左右司儀引主人出內門

止哭拜送於大門外使者還主人杖哭而入取弔書於階下升奠於柩東若使者須私弔則通名引入弔如常禮訖引出

弔諸王妃主喪

弔宗戚喪

皆與遣使弔外祖父母喪禮同凡葬及練祥使弔之禮並同

東宮舉哀

皇太子為諸王妃主舉哀

本司散下其禮所司隨職供辦齋師先於宜秋門外道東設皇太子次南向周以行幃設素下褥牀席守宮於重明門外設宮臣七品以上便次其日舉哀前三刻左庶子啟奏請中嚴舉哀前一刻諸衛率列仗

如常儀於次前設宮臣五品以上哭位文東武西重行北面相對為首又設一品以下七品以上於帷宮門外亦如之又於次前設奉慰位宮臣七品以上應陪慰者並赴集便次改服素服前一刻通事舍人引一品以下俱就門外位文武侍衛之官並詣閣奉迎如常式左庶子啟奏外辦皇太子服素服升腰輿出閣從帷宮後門入降輿就哭位即坐侍衛如常儀左庶子跪奏請為某王若某公某王太妃舉哀俛伏興皇太子哭通事舍人引宮臣五品以上入各就班位立定舍人贊拜宮臣在位者皆再拜舍人贊哭宮臣在位者皆哭十五舉聲舍人贊止宮臣在位者皆止舍人

引宮臣行首一人進詣奉慰位跪奉慰俛伏興舍人引退還本位舍人贊拜宮臣在位者皆再拜舍人引宮臣等出其六品以下位於門外者典謁贊拜贊哭贊止引退皆如門內之儀左庶子跪奏請哭止俛伏興還本位皇太子止升腰輿還待衛從至閣如常其日晡哭則晡前二刻奏嚴一刻奏辦皇太子仍初服出即位次哭如初其宮臣等升近侍者其日晡臨不集皇太子於師保傳奉慰再拜則左庶子奏興受答再拜仍坐哭自後本服周者三朝哭而止本服大功者其日晡哭而止本服小功以下一舉哀而止其有皇子皇孫應陪舉哀者皇子則位於皇太子之下絕位皇孫則位於東間之南北面與皇太子俱哭於引宮臣以下退已乃贊止引退其應拜慰者引進跪奉慰如常禮以下皆然為良娣舉哀則於內別殿三朝哭而止為良媛一舉哀而止師傳保與諸王同宗戚與妃主同官臣與諸王同並一舉哀而止官臣通第三品以此其餘官臣隨恩深淺

為外祖父母舉哀

并成服除服妃父母附

本司散下其禮所司隨職供辦齋師先於東宮別北壁下散設素褥牀席為皇太子舉哀成服位南向有司先製皇太子小功五月之服其為妃父母則製總麻三月之服所司先於重明門外之左右量設宮臣以下次其日舉哀前三刻餘與為諸王妃主舉哀同又設一品以下九品以上哭位於舉哀殿門外亦如之又於階下

當舉哀位北向設奉慰位宮臣應陪臨者並赴集便  
次服素服齋師以篋奉練服升立於殿東間北面立  
典謁引一品以下九品以上俱就門外位文武侍衛  
之官詣閣奉迎舉哀前一刻左庶子版奏外辦至時  
皇太子服素服升輿出升別殿降即哭位坐待衛如  
常左庶子跪奏請為故某官若某郡君舉哀俛伏興皇太  
子哭十五舉聲左庶子跪奏請哭止成服俛伏興皇  
太子止哭齋師以篋奉練服進跪授輿仍贊變服焉  
於變服則權設步障已而去之成服左庶子跪奏請哭俛伏興以下  
至成服訖請哭止如諸王妃主儀皇太子止升輿降  
還待衛從至閣如常其日脯哭則脯前二刻奏嚴一

刻奏辦皇太子服練服出即位次哭如初宮官不集

自後朝脯凡三日而止○將除服本司散下其禮所

司隨職供辦守宮先於重明門外之左右設宮臣次

如初於除服前夕有司於別殿設素牀席焉其日

平明而除服外祖父母則五月后父母母則三月並先

五日而除之於除服前三刻左庶子版奏請中嚴除

為外祖父母宮官文武應陪臨者並赴集便次各改

服素服掌儀引就門外位齋師以篋奉素服吉履升

殿東間北面立腰輿詣寢庭侍衛之官詣閣奉迎如

常式除服前一刻左庶子版奏外辦皇太子仍練服

御輿出升堂降輿即位其近侍之官從升侍衛夾引

如常儀左庶子跪奏請哭俛伏興皇太子哭十五舉  
聲左庶子跪奏請哭止除服俛伏興皇太子止齋師  
奉衣復進跪授興仍贊變服焉於變服權設步於變  
除已左庶子跪奏請哭俛伏興還本位除與爲諸王  
皇太子於師傅保奉慰再拜則左庶子奏興受苴再  
拜乃坐哭皇太子爲外祖父母除服則皇子等位於  
太子之下差退卽位次哭變服素服又哭引退如皇  
太子之儀其皇孫等服素服侍者引卽庭拜引升位  
於東閣之南北面與皇太子俱哭於皇太子變服已  
重哭則引進皇太子前跪奉慰俛伏興再拜復位哭  
於宮官等退贊哭止引復階下位拜退

臨諸王妃主喪

本司散下其禮所司隨職供辦守宮先於重明門外  
之左設三師等次又於主人第大門外之右設皇太  
子便次南向又於大門之左右隨便設陪從之官次  
其所臨者五屬之親先集列於主人之第其執事先  
於寢北設障幔爲主人五屬婦人拜哭次其日出宮  
前四刻左庶子版奏請中嚴出宮前三刻槌一鼓爲  
一嚴三嚴時節前一嚴日左庶子奏裁二衛率等備列常行仗衛鹵簿  
所出宮門外內如常儀出宮前二刻又槌二鼓爲再  
嚴奉禮於重明門外之左右設宮官從者位文東武  
西重行相向皆以北爲上齋師先於主人大門外次

內設皇太子座南向又於主人堂上中間近北設素  
樽牀席爲皇太子哭位南向掌儀於主人庭設從官  
之位文東武西重行北面相對爲首又於皇太子座  
前階下設奉慰位主人執事於堂下設五屬之親位  
於東階之東重行西面北上以服精麤爲序而尊  
者差前下皆准此又  
設五屬婦女位於堂北幔下主女位於東廂西面南  
上妻妾位於西廂東面南上衆婦人位於北廂南面  
諸婦在西諸親在東相對爲首其五屬內外並  
陪臨於此所其陪  
從宮官以下皆常服赴集其位有司整列皇太子四  
望車及副車仗衛之屬應列鹵簿者於內外如常儀  
出宮前一刻又槌三鼓爲三嚴諸侍衛之官俱詣閤

奉迎左庶子版奏外辦皇太子服常服升輿以出扇

蓋及侍從如常儀皇太子降輿升車中允進跪奏稱

中允臣某言請車發俛伏興退復位凡中允奏請皆  
進跪奏稱某官

臣某官訖  
俛伏興車動中允與贊者夾引以出至侍臣上馬

所中允奏稱請車權停令侍臣上馬左庶子承令退

稱令曰諾中允退請侍臣上馬贊者承傳文武侍臣

皆退上馬畢中允奏請車發退復位皇太子車動鼓

吹不作三師乘車訓導三少乘車訓從官臣文武應

陪從者皆乘馬以從如常至主人大門次前左庶子

進跪奏請降車俛伏興還侍衛皇太子降車升輿入

次其車輿以下鹵簿仗衛之屬列於次前之左右皇

太子變服素服其陪從之官各就次變服素服侍臣  
 及文武官不變服相者引主人內外五屬之親各服  
 練服就堂下位次哭掌儀一人立於堂下東階東南  
 贊者二人立於其南差退俱西面皇太子變服訖升  
 輿出侍衛左右如初主人免經去杖相者引出重明  
 門外遙見輿止哭再拜迎仍引主人先入門左西面  
 立不哭若未殯則通拜迎相者贊眾主人以下皆止拜送於大門之內  
 哭皇太子至堂左庶子跪奏請降輿升俛伏與於所  
 喪非尊者則皇太子降輿升自東階即位哭應拜者則奉引  
 拜靈侍臣夾升列於戶內外及階下之左右其仗衛  
 鹵簿北列於門內外之左右並如常儀司儀引主人



進中庭北面掌儀稱拜主人以下應拜者皆再拜令  
 引主人升司儀引主人升立於戶內之東西面左庶  
 子臨奏請哭俛伏與皇太子哭掌儀稱哭贊者承傳  
 唱可哭凡掌儀有詞贊者皆承傳主人以下及在位者皆哭通事  
 舍人引諸從官陪位者入即班位立定掌儀稱拜從  
 官在位者皆再拜掌儀稱哭從官在位者皆哭十五  
 舉聲掌儀稱止從官在位者皆止通事舍人引從官  
 行首一人進詣奉慰位跪奉慰俛伏興引退還本位  
 掌儀稱拜從者在位者皆再拜訖舍人引從官出左  
 庶子跪奏請哭止撫慰主人俛伏興皇太子止興就  
 主人前執手訖主人再拜皇太子復位哭又盡一哀

凡所臨非本服五屬左庶子跪奏請哭止俛伏與皇

太子止掌儀稱止主人以下在位者皆止司儀引主

人降立於庭中之東北面掌儀稱拜主人以下在位

者皆再拜左庶子奏請還皇太子降升輿出侍衛如

初司儀引主人先出俟於大門外拜送皇太子出次

降輿即座服常服司儀引主人哭還廬次皇太子停

大次未發前三刻左庶子版奏請嚴有司依式先奏

三嚴槌鼓如初二衛率等整列仗衛鹵簿還途如來

儀奉禮設宮官陪從者位於皇太子次前道左文武

皆重行向道陪從之官各於次變服訖謁者各引就

班位三嚴已左庶子文奏請外辨皇太子升輿出升

車還宮左庶子奏請及宮官陪從不鳴鼓吹皆如來

儀到重明門外宮官文武皆下馬三師三少各還皇

太子至殿前迴車南向左庶子跪奏請降車俛伏與

皇太子降車乘輿入侍臣從至閣左庶子奏請解嚴

將士各還其所官臣皆退

臨外祖父母喪臣父母喪臣並姆諸王妃主禮同

其臨諸王妃主以下內喪則並位於前寢次其尊親

殯寢者則凡所臨諸王妃主以下喪若未殯若已殯

或臨啓引或練禫皆以本服親踈及恩賜深淺而為

踈數之異其親臨之儀及主人迎待之式其禮如初

其所臨者若鄰宮闕率爾往還則容不備常行仗衛



與嚴鼓皆稟當時別旨而為儀注其宮臣陪從文武之官亦准臨時備略也備之言警備備皇太子每過太廟則左庶子奏式過乃復常

遣使弔弔諸王妃主外祖父母妃之父母師傳保宗戚貴臣上臺貴臣並與

計奏弔儀同

賻贈之其所弔官臣喪葬若有賻贈禮如計奏賻贈唯無馬

遣使致奠致奠外祖父母后之父母師傳保貴臣並與計奏致奠同

杜氏通典卷第一百三十六終

杜氏通典卷第一百三十七

禮九十七凶四 祭類三十二 大唐開元禮三十二

東宮妃聞喪聞父母祖父母喪 聞外祖父母喪 為諸王妃主舉哀 為良娣

以下舉哀並附

奔喪奔父母祖父母喪 臨喪臨外祖父母喪 臨良娣以下喪

除喪除父母祖父母喪 除外祖父母喪

東宮妃聞喪

聞父母祖父母喪

皇太子妃為父母祖父母舉哀其日赴喪者至本司散下其禮所司隨職供辦訖舉哀前三刻司則版啓請中嚴掌筵先於別殿東壁下設薦為妃舉哀位西